

廣東新語卷二十三

分目

介語

鱮

珠鱮

玳瑁

龜

蟹

石蟹

蟛蜞

壕

蝓

白蜆

蛤

瓊瑁

羸

蚌

鱮子

白蜆

殺鱮魚

瑇瑁

吊

白鼈

仙蟻

鮫鯉

廣東新語

卷二十三

分目

廣東新語卷二十三

番禺 屈大均 翁山 撰

介語

蠶

蠶大者尺餘如覆箕其甲瑩滑而青綠眼在背口藏在腹其頭蜚螂而足蠲足蠲而多其四尾三稜長一二尺其血碧凡諸血皆赤惟蠶碧色碧生於鹹赤生於淡海之水鹹故色碧蠶之血與海水同得鹹之氣多故也其子如粒珠出而為蠶者僅二餘多為蠲為蠲蝦麻蝦及諸魚族蓋淡水之魚多生於魚鹹水之魚多生於蠶蠶乃諸魚蝦之母也

廣東新語卷二十三 介語 一

蠶者候也善候風諸水族亦候之而出故曰蠶性喜羣遊雌常負雄於背背有骨如扇作兩截常張以為帆乘風而行雌雄相積雖遇驚濤不解名曰蠶帆漁者每望其帆取之持其雄則雌者不去如持其雌則雄去矣然失雄亦不能獨活故曰蠶媚取之又多以夜凡海中夜行舉棹撥浪則火花噴射蠶蠲之屬緣行沙渾亦一一有火花水鹹成火漁者每拾一火則得一蠶蠲之屬蓋海族多生於鹹鹹火之渣滓也海族得水之清虛者十之三四得火之渣滓者十之五六介之類屬離離為火蠶蠲者火之渣滓所生者也水之清虛所生者知雷

火之渣滓所生者知風豚魚與風相孚鱉亦然  
昌黎詠鱉詩鱉形如車文背眼相負行其詠蒲魚  
云蒲魚尾如蛇口眼不相營蒲魚者鱒也形如盤  
大者圍七八尺無鱗口在腹下目在額上尾長有  
刺能螫人肉白多骨節節相連比柔脆可食二物  
口眼皆與衆魚異故昌黎益言之又昌黎南食詩  
一曰鱉二曰蠔三曰蒲魚四曰蛤五曰章舉六曰  
馬甲柱其詩曰南食驚呈怪又曰南烹多怪味又  
曰我來禦魑魅自宜味南烹鱉亦佳味故昌黎首  
言之鱉殼可代甲香以合香其勢力均尾尤佳  
鱉雌大而雄小諺曰香山鱉雌長雄幼雌稍大常  
廣東新語卷二十三 介語 二

負其雄得其雙者乃可食單者及身小名鬼鱉者  
與尾有鋸刺者不可食漁者殺而賣之中有清水  
二升許不肯棄云以其水同煮味乃美非水也血  
也以色碧故不知其爲血也  
水者火之本水潤下作鹹則火炎上作苦海族生  
於潤下卽其生於炎上者也凡鱉蟹之屬置陰處  
皆有火光鱉魚亦有火元微之送客遊嶺南詩曙  
朝霞睽睽海夜火燐燐火燐燐謂鱉蟹之屬也

### 珠鱉

珠鱉產高州海中其背隆起者有珠珠或從口吐  
出予高涼曲有云蚌含明月浮滄海珠鱉江中亦

吐珠又記云珠鱉三足有珠百碧或云六足珠鱉  
味甚美伊尹云魚之美者醴水之魚名曰朱鼈

玳瑁

玳瑁產廉瓊州一作璚瑁龜夜伏沙汀注目上視  
與月爭光月之精華因入焉而爲文介漁人捕得  
之覆其背卽不能去比曉其介文采益鮮明因阨  
於沙而磨瑩焉自脊兩分得十四版以厚而黃多  
有物形者爲貴區懷瑞賦云其物也非鼈非鼉非  
蜴非鼃鼈皮鸚喙六甲千葩緝采斑駁若雲若霞  
又云是爲璚瑁穴于丹水遊于桂海餌于珠苗吸  
于瓊瀦旣異蟒螭又非著蔡珍喻百朋章含九貝

廣東新語

卷二十三

介語

三

畝茹五英以爲幅背映日凝丹流文夔葑繡錯金  
相飛潛譎怪變幻出沒螭鏤鬼繪血禦鳩毒甲搖  
蠱愍島之諸尸是帶是佩蟒螭山巨龜也巧匠以  
其甲黃明無日脚者煮而拍之陷黑玳瑁狀甚明  
媚日脚謂甲上有散黑暈也一種赤鮐與相似然  
介脆薄文采亦晦

龜

毛龜出韶州大如錢以水養之其毛披放色碧綠  
置之几案可辟蠅有六目龜出欽州本兩目其四  
目乃金黃花紋圓長中黑與真目排比狀似六目  
故名有卜龜出雷州俯行者靈有巨龜出惠州背

生樹木望之儼如洲渚然不常見有紅白二龜在  
文昌北石井中旱禱之紅出則雨白出則否亦神  
龜也

蟹

蟹善候潮潮欲來舉二螯仰而迎之潮欲退折六  
跪俯而送之漁人每視其俯仰以知潮之消長蟹  
以潮之消長爲多少潮長則蟹少消則蟹多予家  
在菱塘當蟹浪時使童子往三沙四沙捕蟹隨潮  
下上日得蟹數簞或乘潮乾蟹從稻田求食其行  
有跡跡之得其穴一穴輒一輩然新穴有蟹舊穴  
則否其匡初蛻柔弱如綿絮通體脂凝紅黃雜糅

廣東新語

卷二十三

介語

四

結爲石榴子粒四角克滿手觸不濡是名栗蟹其  
未蛻者曰膏蟹蓋蟹黃應月盈虧爲月之精所注  
故以膏爲美膏多則又曰母蟹蟹以有膏爲母猶  
蚌以有珠爲母也次者肉蟹自扶胥以上水淡多  
肉蟹近大小虎門水鹹多膏蟹蓋水淡則蟹多肉  
水鹹則蟹多膏蟹者火之所爲火之膏也淡者水  
之所爲水之肉也蟹以栗者爲貴其字從解言以  
甲解而美也甲解者蛻也蛻則栗蛻必以秋然每  
年四月八日潮不大長是日栗蟹尤多故諺有云  
四月八日栗蟹爭出則蟹亦以夏而蛻矣蛻則益  
肥然大抵潮減則蟹肥潮滿則蟹瘦肥每月初九

二十三兩日潮必乾潮乾而蟹食泥則肥潮滿而蟹食水則瘠又蟹一月一解自十八以後月黑蟹乘暗出而取食食至初二三而肥肥則殼解月皎時蟹不敢出則瘠矣然蟹率以秋深以盛寒而肥以月黑潮水小而解蓋蟹產於鹹淡水之間有白蜆之所盛寒時白蜆子肥故蟹食之而肥又蟹以流水生者色黃而腥止水生者緝而馨得白芷則黃不散得葱及五味子同煮則色不變

蟹類甚多有曰小娘蟹其螯長倍于身大者青綠如錦味與諸蟹同而新安人賤之惟熟其螯以進客有擁劍五色相錯螯長如擁劍然新安人以獻

廣東新語

卷二十三

介語

五

嘉客名曰進劍爲敬之至有飛蟹小者如錢大者倍之從海面飛越數尺以螯爲翼網得之味勝常蟹此三者蟹之異者也尋常以膏蟹爲上蟹之美在膏而其容善於俯仰俯以八足之折故曰跪仰以二螯之倨故曰螯螯者敖也以螯敖人故昔人食蟹上螯今則上膏予村居多暇秋日輒出扶胥釣蟹有詩云紫蟹得霜肥銜禾上釣磯閑垂兄弟釣更得白魚歸兄弟釣本以釣河豚者蟹觸之亦往往多得又或緯蕭爲斷承流而取之或置小石數百枚罟中以爲餌二人持罟截港口而取之予又有捕蟹辭云捕蟹三沙與四沙秋來樂事在漁

家隨潮上下芟塘海艇子歸時月欲斜又云紫蟹  
迎潮復送潮紛紛銜穗上蘭橈蟹黃應月秋逾美  
亂擲金錢向市橋又云匡螯初蛻及秋肥母蟹膏  
多肉蟹稀飽食沙田霜降稻潮乾拾得滿船歸又  
云虎門潮水接牂牁春淡秋鹹蟹總多水肉金膏  
隨月滿精華更柰稻花何

### 石蟹

環瓊水鹹獨崖州三亞港水淡故產石蟹石上有  
脂如飴膏蟹食之粘螯濡足而死輒化爲石是爲  
石蟹取時以長鈎出之故螯足不全或謂石蟹浮  
游海中見風則堅誤也或謂石蟹水沫相著所化  
廣東新語卷二十三 介語 六  
多生海潮出入處隨風漂出善水者沒而取之於  
水中洗刷出水則泥不能脫云

### 蟛蜞

凡春正二月南風起海中無霧則公蟛蜞出夏四  
五月大禾旣蒔則母蟛蜞出其白者曰白蟛蜞以  
鹽酒醃之置茶蘼花朵其中曬以烈日有香撲鼻  
生毛者曰毛蟛蜞嘗以糞田飼鴨然有毒多食發  
吐痢而潮人無日不食以當園蔬故諺有曰水潮  
蛎食鹹解鹹解者以毛蟛蜞入鹽水中經兩月熬  
水爲液投以柑橘之皮其味佳絕解其渣滓不用  
用其精華故曰解也蛎者蛤之屬諺曰蟾蜍蛤蛎

三者形狀相似而廣州人惟食蛤不食蟾蜍蛎蚌  
惟潮州人食之故名曰水潮蛎蛎有一種生海泥  
中長二三寸大如指兩頭各有兩岐以其狀怪故  
曰蛎氣味甘溫能去胸中煩悶然病後不可食食  
惟白蟳蜆稱珍品予詩正月蟳蜆出雌雄總有膏  
絕其全在殼雖小亦持螯又云風俗園蔬似朝朝  
下白黏難腥因淡水易熟爲多鹽

### 蠔

蠔鹹水所結其生附石塊礪相連如房故一名蠣  
房房房相生蔓延至數十百丈潮長則房開消則  
房闔開所以取食闔所以自固也鑿之一房一肉

廣東新語

卷二十三

介語

七

肉之大小隨其房色白而含綠粉生食曰蠔白醃  
之曰蠣黃味皆美以其殼累墻高至五六丈不仆  
殼中有一片瑩滑而圓是曰蠔光以砌照壁望之  
若魚鱗然雨洗益白小者真珠蠔中嘗有珠大者  
亦曰牡蠣蠣無牡牝以其大故名曰牡也東莞新  
安有蠔田與龍穴洲相近以石燒紅散投之蠔生  
其上取石得蠔仍燒紅石投海中歲凡兩投兩取  
蠔本寒物得火氣其味益甘謂之種蠔又以生於  
水者爲天蠔生於火者爲人蠔人蠔成田各有疆  
界尺寸不踰踰則爭蠔本無田田在海水中以生  
蠔之所謂之田猶以生白蜆之所謂之塘塘亦在



海水中無實土也故曰南海有浮沉之田浮田者  
蕪穽是也沉田者種蠔種白蜆之所也其地婦女  
皆能打蠔有打蠔歌予嘗效爲之有曰一歲蠔田  
兩種蠔田片片在波濤蠔生每每因陽火相疊  
成山十丈高又曰冬月真珠蠔更多漁姑爭唱打  
蠔歌紛紛龍穴洲邊去半溼雲鬟在白波打蠔之  
具以木製成如上字上挂一筐婦女以一足踏橫  
木一足踏泥手扶直木稍推卽動行沙坦上其勢  
輕疾旣至蠔田取蠔鑿開得肉置筐中潮長乃返  
橫木長僅尺許直木高數尺亦古泥行踏橈之遺  
也

廣東新語

卷二十三

介語

八

香山無蠔田其人率於海旁石巖之上打蠔蠔生  
壁上高至三四丈水乾則見以艸焚燒之蠔見火  
爆開因夾取其肉以食味極鮮美番禺菱塘村多  
蠔有山在海濱曰石蠔甚高大古時蠔生其上故  
名今掘地至二三尺卽得蠔殼多不可窮居人墻  
屋率以蠔殼爲之一望皓然

蠔

蠔比黃蜆而大聞雷則生故文從雷雜錄云番禺  
每震雷有大蛤從空而下名天蛤非也白蜆從霧  
中落可名天蜆而蛤多因黃雀入海而化不可名  
天蛤故謂蠔曰天蛤非也蠔者雷之所感白蜆者

霧之所感也然陽江有紅羸焉殼黑而肉微紅味  
絕甘生海中千百成羣若蠡房相結海人鉤取其  
一則千百羣起其年若地震則不生聞雷則死又  
與蠮異粵故有蠮田在番禺市底之南春初取小  
蠮種之至冬乃取故曰蠮田田在鹹海中亦曰蠮  
塘猶夫白蜺之塘也蠮與蠨白蜺蠨蚶雖生於天  
亦恆生於人惠潮多蚶田蚶與沙蛸蠮皆味甘性  
溫益人蚶從甘不用調和自然甜美愈大愈嫩志  
稱嶺南炙之名天癘是也一名花蠮沙蛸不可種  
故粵人貴沙蛸而賤蠮蠮凡沙坦皆有冬月時漁  
者以足取之謂之踢蠮蠮以天寒乃肥其以仲秋  
廣東新語卷二十三介語九  
孕者腹黑廣人有釀蠮之食以白者爲貴

白蜺

番禺海中有白蜺塘自獅子塔至西江口凡二百  
餘里皆產白蜺歲二三月南風起霞氣蔽空輒有  
白蜺子飛落微細如塵然落田輒死落海中得鹹  
潮之力乃生秋長冬肥積至數丈乃撈取予有謠  
云南風起落蜺子生於霧成於水北風瘦南風肥  
厚至丈取不稀殷勤祭沙渾莫使蜺子飛外有黑  
蜺黃蜺一名扁羸遇風雨亦輒飛徙蛋女率於黑  
沙泥處取之貧者以爲蔬然味不如白蜺凡生於  
海者曰白蜺生於江者曰黑蜺黃蜺而金鏐蜺者

生大海中獨珍劉鋹時取以自奉禁民不得採亦曰金口蜆有無耳蜆產韋涌相傳宋帝昺幸韋涌時食蜆而美之曰惜不令其無耳至今帝泊舟處蜆皆無耳甘美異常進蜆漁人配祀將作大匠梁公廟中人稱蜆子丈人云蜆之美可以解蠱以爲腊不能水土者宜之

白蜆多生於霧每當春暖白霧瀰空濛濛霏霏之中土人知爲白蜆落也名落蜆天白蜆者霧之屑也霧白者曰南霧南風之霧也白蜆以春南霧而生以冬南風而熟者宜暄暖若天盛寒則瘦矣又雷多則蜆子亦瘦蜆子蓋風之族宜風而不宜雷

廣東新語

卷二十三

介語

十

風之南者生物故又宜南風也南風之起舊蜆子未盡新蜆子復積其上厚至數十百丈不可極過春則化爲泥滓故取之貴及其時有南風羸形大如荔支肉頗堅勒風從南來則羣至亦其類

凡取蜆之蛋曰蜆笊取蝦之蛋曰蝦籃其富者則出洋皮取大魚蜆之利以白蜆塘爲最豪右家擅奪海中深澳以爲塘白蜆之所生或多或少視其人造化所至蛋人佃其塘以取白蜆亦復如之故諺曰今年白蜆多蛋家銀滿笊

蛤

蛤生田間名田雞冬藏春出篝火作聲呼之可獲

三月三日農以其聲卜水旱聲小水小聲大水大  
諺曰田雞聲啞田好稻把田雞聲響田好蕩漿又  
田雞上晝鳴上鄉熟下晝鳴下鄉熟終日鳴上下  
齊熟唐詩田家無五行水旱卜鼃聲鼃蛤也或謂  
大聲曰鼃小聲曰蛤韓退之南食其四曰蛤未知  
是此否珠蚌亦名蛤然非嘗食一種肖田雞而無  
腰股鳴長聲俗呼爲甥主瘰癧卽蝮蝮云

### 瓊瑤

瓊瑤狀似珠蚌殼青黑色長寸許大者二三寸生  
白沙中不汙泥淖互物之最潔者也有兩肉柱能  
長短又有數白蟹子在腹中狀如榆莢合體共生  
廣東新語卷二十三 介語 十一

常從其口出爲之取食蓋二物相須瓊瑤寄命於  
蟹蟹託身於瓊瑤郭璞謂瓊瑤腹蟹葛洪謂小蟹  
不歸而瑤敗是也然瓊瑤清潔不食但寄其腹於  
蟹蟹爲瓊瑤而食食在蟹而飽在瓊瑤故一名共  
命羸又曰月蛤每冬大雪則肥瑩滑如玉日映如  
雲母味甘以柔蓋海錯之至珍者諺曰霜蟹雪羸  
味不在多凡羸皆以雪肥蟹則以霜予詩云霜肥  
羸有柱月滿蟹多黃有紅羸腹中亦有小蟹漁者  
率釣取之又有海鏡二殼相合甚圓肉亦瑩潔有  
紅蟹子爲取食一名石鏡其腹中小蟹曰蚌孳任  
昉謂之筋

羸

羸種最多以香羸爲上產潮州大者如盤盂其殼雌雄異聲可應軍中之用次則珠羸出東莞大步海南漢常置三千人採之名其地曰媚川都人曰珠羸戶有銀母羸狀若蚌內多小珠而珍色不及殼厚而瑩可以截鑲器皿亦名珠母其曰銀母者以殼言曰珠母者以多珠子言也其肉最珍而性寒有九孔羸產珠與蚌珠類有鸚鵡羸珠光隱隱可燭交采五色類鸚鵡有指甲羸一名紫蚶荀子東海有紫絃絃卽蚶也一名石蚶味甘鹹能利小水江淹謂石蚶有足翼得春雨則生華郭璞謂石

廣東新語

卷二十三

介語

三

蚶應節而揚葩是也味絕鮮美虛損人以米酒同煮最補益有馬甲柱形如指甲羸殼薄肉少味頗清昌黎南食詩章舉馬甲柱鬪以怪自呈有寄生羸生鹹水者離水一日卽死生淡水者可久畜殼五色如鈿或純赤如丹砂其蟲如蟹有螯足腹則羸也以佳殼或以金銀爲殼稍炙其屍卽出投佳殼中海人名爲借屋以之行酒行至某客前而駐則飲故俗以爲珍有螯螯者二螯四足似彭蠡其尻柔脆蛇屈則羸每竊枯羸以居出則負殼退則以螯足扞戶稍長更擇巨殼遷焉與寄居蟲異名多足羸亦曰竊蟻越記負屋之螯飼以雲母能產

白珠梅華國志屋蟬千歲出海爲螯龍蓋此物也  
有神仙羸產羅浮曾經仙人所嚙屍端盡破味甚  
甘有流羸大如小拳一名甲香羸肉亦視月盈虧  
有蛤蜊生海濱土中白殼紫唇一名赤口羸以殼  
爲粉曰蛤粉可入藥凡羸類兩殼相合皆名蛤而  
此羸肉殼並利於人故曰蜊有車螯者似蛤蜊而  
大甲厚而瑩有斑點如花絕水伴夙烏鳥信而啄  
之輒爲所得一名沙蚶有海膽生島嶼石上散圓  
有粟珠大小相串粟珠上又有長刺纍纍相連取  
一帶十如破其一餘皆夙粘於石上殼破流漿終  
不得起肉色黃鮮以作醬味佳已上諸羸皆舉其

廣東新語

卷二十三

介語

三

知名者史稱楚越之地飯稻羹魚果隋羸蛤不待  
賈而足地勢饒食蓋謂此

語曰羸饑蜺肥凡年豐則白蜺烏蜺多凶則沙羸  
多沙羸亦霧露所爲霧露之渣滓爲白蜺烏蜺其  
精華爲沙羸故沙羸不能多有沙羸者瓊瑤也嶺  
南蛤蜊不如江浙瓊瑤則勝之予詩瓊瑤羹清絕  
河豚美在肝凡河豚以三月從鹹海入者可食以  
冬十一二月從淡江出者不可食以其在江之灣  
澳食胡蔓艸汁益其毒其肝雖美亦毒之所聚不  
可不慎

蚌

蚌川澤處處有之凡狹而長者皆曰蚌廣而圓者皆曰蛤車白與蜆皆蛤屬車白卽車螯土人以爲沙白者謬也蜆老則肉出小蛾而蜆死小蛾復散卵水上爲蜆蜆在沙者黃在泥者黑蛋人以撈蜆爲生有諺曰饑螺飽蜆謂螺多則歲不熟蜆多則歲大豐云廣中蜆特多人以爲蔬貧者不能買魚惟買蜆而已有先達都憲何公經者罷官家居偶思食蜆蜆適過門探囊中無錢夫人曰何不書清字售之公笑而止此蜆之佳話也

### 蠶子

蠶雌者子滿腹中殆無空隙炎海之蠨不孕子皆廣東新語卷二十三 介語 古  
蠶子所化九爲蠨十一爲蠶也蠶者蠨之母然獨炎海之蠨母之他處無蠶蠨之所生又異矣

### 白蜆

凡南風霧重則多白蜆北風霧則否蓋白蜆之生生於霧霧味鹹鹹爲白蜆之生之本始生時白蜆之形如霧自空而下若無若有人見之以爲霧也漁人知之以爲天雨蜆子也蜆子旣成以天煖而肥寒而瘠在菱塘沙灣二都江水中積厚至數十百丈是曰蜆塘取之若泥沙量之以舸牒以食以糞田以壅蔗以飼鳧鴨其利頗大自冬至春洵者鬻者所在有之

殺鯉魚

昔韓愈守潮州鯉魚爲暴爲文以祭弗能去後刺史至以毒法殺之其害乃絕按周禮秋官壺涿氏之職曰掌除水蟲以炮土之鼓以毆之以焚石投之永樂中吳淞陂塘壞壅水橫流漂沒廬舍田屢不登官賦匱缺朝遣使者治之治輒壞居民告曰水有怪焉穴於塘澳塞土填石不勝其一奮必殺怪而後塘可成也於是使者相繼謀殺怪卒無計策朝廷憂之遣夏元吉往原吉至命具舟數百載以焚石布塘之上下令曰聞鼓聲齊下焚石於是兩岍擊鼓競投焚石急散舟以避之須臾波濤狂廣東新語卷二十三 介語 圭

沸水石搏擊震撼天地輾轉馳驟赤水泉涌有物仰浮水面焦灼腐爛縱橫數十丈若鼉若鼉莫可名狀怪絕而塘成假使昌黎讀周禮得此殺怪之方則盡鯉魚之種類以誅何暇與之論文哉鯉魚而祭祭且用文彼爰居之祀又何譏焉此何磻之說也

璚瑁

璚瑁如龜大者如盤盂上有鱗發之因見其文有光輝可作器生帶之遇有蠱毒則其甲自動搖每以爲驗一種名脊鱗大如巨鼉甲上有膜一層以火向下焙之可坼而起文似璚瑁而質薄廣人所



飾器用皆以此陳震詩璚瑁春鱗采不殊弔膏能  
膽功堪比

弔

弔介之屬也產瓊州海口港中蛇頭鼈身水宿不  
棲其膏甚輕利貯以銅瓦皆滲出惟雞卵盛之則  
不漏以治諸腫毒功同熊膽

白鼈

白鼈可以愈痰火症其初得之神授廣人甚珍之  
有口號曰烏耳鱗白脚魚滋陰降火只須臾

仙鱗

仙鱗產羅浮阿耨池秀形如錢大色深紅明瑩如  
廣東新語卷二十三 介語 夫

琥珀大小數十羣行見人弗畏以泉水養之可經  
數月見他水則死相傳仙人擲錢所變

鮫鯉

鮫鯉似鯉有四足能陸能水其鱗堅利如鐵黑色  
絕有氣力能穿山而行一名穿山甲蓋陸之魚也  
楊孚異物志鮫鯉吐舌螻蛄附之而因吞之又開  
鱗甲使螻蛄食無餘水中魚尚可只解食沮洳其甲  
陸魚螻蛄食無餘水中魚尚可只解食沮洳其甲  
灰可治蟻瘻血入土則隄岸滲漏語云百丈之隄  
潰於蟻穴其鮫鯉之故耶

廣東新語卷二十三終